





浙江圖書館



浙江圖書館



浙江圖書館



浙江圖書館

皇明通紀法傳錄卷十九

東莞 陳建 輯 西湖

高汝棻 訂

高 於 校

英宗睿皇帝紀

帝章皇帝長子宣德二年孫皇后所生
宣宗崩年九歲時倡國有長君之議

賴三楊英國而定乙卯正月初十日即

皇帝位建元正統己巳北狩庚午七月

回鑾尊為太上皇帝居南宮丁丑正

月復辟改元天順至甲申正月十七日

崩在位前後共二十二年壽四十八上

徽號曰法天立道仁明誠敬昭天憲武

至德廣孝睿皇帝

廟號英宗葬裕陵

丙辰正統元年正月九日開經筵以太師英國公張輔

知經筵事太學士楊士奇楊榮楊溥同知經筵事少詹

三楊倦倦
請開經筵

而君子已
知君臣之

情不通矣

事王直王英講讀學士李時勉錢習禮陳循侍讀黃衷

侍講高穀修撰馬愉曹鼐並充經筵官進講九卿掌印

官侍班給事御史各二員侍儀禮畢賜宴及賜金幣鈔

錠有差○時中官王振用事考功郎中李茂弘嘗言可

憂者君臣之情不通經筵進講不過應文具以粉飾太

平而睽隔蒙蔽未必無意外之虞也遂抗章致仕而去

○命僉都御史王翱鎮守陝西○擢侍講劉永清為廣

東右布政使楊士奇薦其才堪繁劇故也○二月會試

天下舉人命少詹事王直侍講學士陳循為考試官取

劉定之等一百人○三月廷試賜周旋陳文劉定之等

宜廟以前無日不御文華晉接羣臣商確政務所以天下號稱太平至此頓覺事體一變

減各郡秋進士及第出身有差○今減浙江嘉湖直隸蘇松等府

減各郡秋
糧

進士及第出身有差○令減浙江嘉湖直隸蘇松等府

官田准民田起科之秋糧蘇州府減秋糧八十餘萬石

他府有差○命兵部左侍郎柴車叅贊陝西軍務先是

虜酋朶兒只伯擁衆入寇鎮番副總兵劉廣出兵往援

遇虜而退虜隨迫涼州廣閉門不敢出虜大掠而去廣

不以實聞反奏功邀賞車劾其罔上不法諸事請置之

法詔械送廣父子至京下獄又劾奏寧夏守將失律亦

召還朝廷以車公廉詳慎可當師帥之任故有是命

仍黃金文綺賜之○召山東左布政使劉中敷爲戶部

尚書○召應天府尹劇埜爲兵部左侍郎○北方郡縣

詔械廣父
子下獄

多蝗遣工部侍郎邵旻捕之○行在左都御史顧佐乞致仕許之以江西右布政使陳智為右都御史代之是年考察御史邵宗宗九載任滿吏部上其事語侵佐佐遂請老去佐性嚴重守正嫉邪人雖敬憚不無忌之竟擠去

提學自天

順時方有

定員正德

九年始欽

給關防臥

碑勅諭崇

教化振士

風崇正學

禁浮靡最

為詳盡

始設提督學校官員各省設按察司副使或僉事各一

員南北直隸監察御史各一員諸勅專一提督○優免

先聖先賢子孫差役○十月望 車駕閱武于將臺命

諸將騎射以三矢為率受命者萬餘惟駙馬都尉井源

彎弓躍馬三發三中萬人發采聲徹天地 上亦大喜

備上尊賜之觀者相謂曰往年王太監調武紀廣陳隆

風世宗正學
極示汗靡最
爲詩盡

三發三中萬人發采聲徹天地

正亦大喜

徹上尊賜之觀者相謂曰往年王太監閱武紀廣驟陞

三級今萬乘閱武豈但一杯酒已邪竟無殊擢○十二

月命兵部尚書王驥巡邊先是鎮守平涼等處僉都御

史羅亨信與都督趙安率岷洮等衛兵巡邊遇虜安與

都督蔣貴用都指揮安敬議逗撓不行亨信至其營責

之曰汝輩受國厚恩臨敵退縮安用汝擢重兵爲且汝

特畏死耳死三尺法孰若死敵貴等色變以芻糧不繼

爲解卽上章劾貴等老師玩寇敬怯懦不忠侵尅軍餉

乞正其罪以振軍法勵將士上乃令王驥巡邊整飭

邊務便宜行事

丁巳正統二年以宋儒胡安國蔡沈真德秀從祀孔子廟庭○兵部尚書王驥巡邊至甘肅斬有罪都指揮安敬遣兵敗北虜于莊浪先是驥受命馳至甘肅稽閱邊備見莊浪永昌山丹路守兵俱少烽埃不飭軍無紀律歎曰邊防如此而欲虜無侵陵難矣翌日大集兵衆于轅門問先年大軍遇虜于魚海而先退者誰與咸曰都指揮安敬命引出斬之徇于衆曰自今遇敵畏縮者視此三軍股慄因簡閱戍兵謹烽埃嚴師伍勤訓練利器械軍容肅然既而虜酋已禿孛羅入寇莊浪驥遣都指揮衛榮授以方畧擊敗之俘獲甚衆寇知有備引兵遣

全勝在此

卷之九
皇明通志
卷之九
三

充邊悉得
若人又胡
憂焉

知院阿魯等納款于朝。驥以甘州官軍冗濫，徒費糧餉，乃選留二萬五千餘，還本衛更番代上。於是兵得休息。民減轉輸之勞，驥尋還京師。○右僉都御史魯穆卒。

穆，浙江天台人，由御史遷福建僉事，超拜今職。為人剛正清慎，寡嗜慾。歷事中外二十餘年，廉介之操如一日。家無餘貲，既沒，無以為殮，聞者莫不嗟悼。公鄉，賻治其喪而歸。

九月，甘肅守臣報北虜復犯邊。十月，勅王驥復詣甘肅，總督諸軍以備之。時勛衛陳儀言于上，請以寧夏甘

肅簡精銳，俟春暖俱發，諸道並進，且約瓦剌相犄角，殘虜破敗之餘，必就擒戮，此萬全之計也。上然之，儀平

江伯陳豫子。○召溫州府知府何文淵為刑部右侍郎。

先朝千循
良吏或宴
勞或至書
或獎勵賜
予鼓舞作
興矣才所
以激勵

各舉所知
原是美事

而行之既
久公道漸

漸正統六
七年以後

拜官公朝
受恩私室

進退人才
之權遂為

文淵江西廣信人初為監察御史宣德中朝廷以
江南諸大郡難治者命大臣擇京朝官出守召見宴
勞賜璽書馳驛之任文淵預焉文淵有治才在溫六
年廉靜寡欲一郡大治當時浙東守稱為第一尋入
勤召入便殿命近臣傳旨獎
勵并以御製招隱歌賜之

勅方面郡守有缺照舊在京三品以上保舉時有言方

面官及府州正專用保舉即是恩出於下欲如 洪武

永樂故事皆令吏部選除 上命內閣議之楊士奇等

上疏言 宣德七年以前藩憲二司及府州正官多不

得人百姓受害是以 宣宗皇帝勅令大臣保舉自茲

以往多得其人間有一二匪才蓋緣舉主審察不至亦

或實是徇私所司不行糾舉以致如此昔唐太宗力行

仁義命在京三品以上官舉郡守縣令後來致天下

倒置良可
惜嘆○此
法景泰初
卽罷

貢院災

仁義命在京三品以上官舉郡守縣令後來致天下斗
米三錢之效近年有等京官無人保舉造爲謗語專欲
隳壞先帝良法伏望聖斷只依先皇帝勅旨而
行但所舉之人後有犯贓必須明正舉主之罪則人知
謹畏不敢濫舉官必得人矣詔從其言○秋八月順天
貢院災翰林侍講曾鶴齡主考順天鄉試初試之夕塲
屋火試卷有殘缺者有司懼罪不敢以更試爲言惟欲
請葺塲屋以終後兩試鶴齡曰必更試然後滌百弊以
昭至公不然雖無所私此心亦欺朝廷何惜一日之
費不成此盛舉哉有司具二說以進命下悉如鶴齡

言人皆懾服云○進贊理陝西軍務侍郎柴車祿從二品車盡心邊務每糾劾將佐欺玩章前後凡數十上或怵以後患車曰吾敢愛身以誤國也同事者或不悅其所爲車亦惡其樂宴樂忽大計遂斷酒肉澹泊以自處凡宴樂皆不與而持論益堅據理守正每有功賞雖勅下必覆驗而後行詐冒必糾正之岷州土官都指揮后能以家人冒功得陞賞車奏罷所陞官能復以爲請上宥之車反覆論其不可曰詐冒如能者非一人臣方按覈皆請罷今宥能如諸人何若無功而得官則捐軀死敵者何以待之詔嘉車忠誠遣使以金綺賜之仍進

從二品祿

正統初年三楊當國西事之殷朝廷處置頗為得宜自戮妄敬而軍令肅滅劉廣而欺玩懲正后能詐冒而功罪核付王驥以便宜而闔外專賞柴車之忠誠而人臣之盡職者勸守法者不撓此西師所以終奏膚功而狂虜卒于破滅此三楊所以可稱與。

戊午正統三年春宣宗皇帝實錄成大學士楊士奇

楊榮俱進少師楊溥進少保餘進祇有差廷臣以實錄

成進官始此○王驥等帥師敗處于塞外虜酋阿台朶

見只伯成走先是驥至邊復申號令將士咸奮曰願與

虜一戰雪數年之耻居無何虜入寇邊驥選精兵二千

遣都督蔣貴將之臨行戒之曰兵精氣銳遇賊不能勦

以實錄成進官始此

殺無復相見。貴父子感奮以往，繼遣趙安率兵由東涼州踰白鴉孤口，北抵赤林鐵門諸關，為犄角之勢。貴邁虜于石城兒泉，破走之。驥與太監魯安都督任禮帥馬步出鎮夷關，與貴期以狼心山舉火為號。貴襲阿台及朶兒只伯巢穴，與任禮等縱兵夾攻于梧桐林，擒其驍將虎都丹等三十餘人，復進兵至野狐心、青羊山，轉戰二千餘里，俘賊男婦二千餘口，馬駝畜產不可勝計。虜酋率數十騎遠竄尋死。○夏命太監阮安督治楊村決河。○直隸江北大水，地方被災，鹽課虧少。上命巡撫侍郎周忱往視之，忱奏令蘇州等府將撥剩餘米每月

星... 一... 二... 萬石... 運揚州... 各鹽場收貯... 照數出給... 通關准

侍郎周忱往視之。忱奏令蘇州等府將撥剩餘米每月
量撥一二萬石運揚州各鹽場收貯。照數出給通關。准

作下年預納秋糧。其米在場聽令竈戶將私鹽于附近

場分上納。卽照時價給還糧米。食用於時。米貴鹽賤。官

得貸鹽。積聚民得食米。安生而上下賴之。○汜水縣典

史曾泉以御史降黜。自宣德六年到任。操行廉謹。涖

事勤能。勸學興禮。督農事。稽女工。尤恤貧窘。無牛具者。

勸與耕種。無綿花者。借與紡績。時歷鄉村。察其勤惰。又

率民墾荒田。以收穀麥。伐材木以易貨財。用以納逋稅。

辦軍需。官有儲積。民無科擾。以其羨餘造船。以備撥運。

置棺以助死喪。歷仕三年。俗醕訟簡。家給人足。沒已三

都是實政

南北更戍
非但水土
不習亦道
途不便勾
補軍伍之
政莫善于
此

私舊制俾
更張殊不
知因時損
益

功固可賞
而王振之

年民懷其惠河南叅政孫原貞奏請追復其官以為士

風之勸○楊士奇楊榮楊溥上言今遣御史清軍有以

陝西山東山西河南北京之人往南方極邊補伍者有

以江浙閩廣川湖之人往北邊補伍者其水土不相襲

北人苦于瘴癘南人苦于嚴寒多致灰亾深為可憫又

西北二邊急于防守而所在勇壯之人乃發戍南方自

今邊卒清解者宜從南北所宜發戍詔廷臣議行之時

兵部侍郎鄜堃掌部事曰此舊制不可紊稍有變易將

不勝其弊咎將誰歸卒不動○十月詔王驥等還京師

論功命驥以尚書兼大理寺卿二俸並支柴車陸兵部

尚書仍贊理陝西軍務命僉都御史羅亨信陞俸一級封

益
功固可賞
論功命職以尚書兼大理寺卿二儀並支柴直陸兵部
驕心漸生
矣麓川瓦
利之師迭
興皆由于
此

尚書仍贊理陝西軍務僉都御史羅亨信陞俸一級封
都督蔣貴定西伯任禮寧遠伯趙安會昌伯○雲南麓
川宣慰思任發叛寇邊侵掠騰衝南甸等處

已未正統四年春會試天下舉人命禮部侍郎兼學士
王直學士藺從善為考試官取楊鼎等一百人廷試賜
施槃楊鼎倪謙等進士及第出身有差○楊士奇乞致
仕不允命還鄉省墓遣中官阮江護送且促歸尋還京
師○逮巡按廣東監察御史陳祚下獄祚按湖廣益持
風紀上言遼王不軌數事上怒遣官械繫下獄論灰
未幾王事自覺乃宥之改南京雲南道御史

陳祚以言事屢中奇禍謫佃武當山者十年舉族遭
內禁者又數年至是復械繫論死薛文清謂其勁節
苦心如金堅百鍊無改色
時論以比劉元城鐵漢云

新作京城九門成○召山東右布政使王質為戶部右

侍郎

書

質鳳陽人始由教官歷授御史薦陞今職臨政公勤
果毅清操著聞在蜀出巡惟蔬食而已蜀人呼為王
青菜在山東
有惠政及民

王青菜

京城大水詔求直言勅賑恤軍民被水之家○翰林編

修劉定之上言十事一言號令之出宜求其大公至正

久而無弊信賞必罰不為苟且二言公卿侍從宜時常

召見俾承清問因以觀其才能察其心術而進退之三

下策如信
賞罰時召

見慶隆胡
鋤富恤貧

通僧尼察
寺令皆閑

皇明法傳金卷十九 其類移置南地四言宜以定

鑿目前急
事慶降胡
一策尤為
喫緊何以
置而不問
也

國初大約
循虞典九
年為滿以
故善政時
聞如孝文
時居官者
長子孫至
以官為氏
國家盛時
氣象大抵
然也

言降胡近處京師宜漸分其類移置南地四言宜以京

官出任郡縣使民得蒙循良之政五言宜倣唐制朝官

陞任之時舉賢良自代六言武臣子弟宜習翰畧七言

守令之官宜詳加察八言鋤富恤貧九言丁憂宜令終

制十言宜遏僧尼疏留中 ○陞蘇州府知府况鍾祿

正三品仍知府事鍾九載滿赴京當代軍民詣闕乞留

者數萬人詔陞鍾俸令復任再期以疾卒民立祠祀之

况蘇州盡心民事剔蠹除奸輕徭薄賦設濟農倉清
汝蠶弊防運夫侵盜則置納運簿綜理周密簡約易
行皆政之美者也至于剛正之氣卓持之未
清操一塵不滓執守千夫莫回時鮮見其比

陞吉安府知府陳本深祿正三品仍知府事九載滿郡

人不忍其去相率乞留御史具以聞 上從之增本深

俸俾復任在吉安前後凡八年致仕去民家戶祝之

本深寧波人治尚寬簡未嘗任智假威以馭民有冤

抑必為申理久之郡民自耻爭訟尤謙和折節以下

士未始有怠

六月西域撒馬見罕遣使進良馬色玄蹄額皆白賜名

瑞頴詔畫史圖之○令大同宣府遼東陝西緣邊空閒

之處許官軍戶下人丁儘力耕種免納子粒

高汝弼曰邊儲之策有三趙充國之留田湟中韓重

華之營田代北者上也勸民廣種以待糴召民開墾

以待輸者次也轉餉千里終歲嗷嗷脫中待哺

策斯下矣三策之得失其早辨之哉

追封故廣西總兵官都督同知山雲為懷遠伯謚襄毅

如此有利
無害人樂
于興種而
邊儲易足

雲鎮廣西十餘年能廉以律已號令嚴賞罰明親率官

雲鎮廣西十餘年能廉以律已號令嚴賞罰明親率官軍與賊前後十餘戰臨機應變每以身先士卒甘苦與衆共之故人皆爲致效力所向無前蠻夷懾服繼其後者皆莫能及○冬楊士奇等上言堯湯之世不免水旱而堯湯之民不至甚病者有備故也我太宗皇帝篤意養民其備荒皆有定制天下郡縣悉出官鈔糴穀各于四鄉置倉貯之以時散歛又相其地宜開浚陂塘修築圩岸閘埧以備水旱而上下之民安其業此萬世之利也歷歲旣久姦弊日滋豪猾侵漁穀盡倉毀凡諸水利亦多湮沒或被占奪稍遇凶災民無所賴風憲不舉

知本之論

守令漫不究心。事雖若緩。所繫甚切。請令所部擇遣京

官廉幹者往督有司。凡豐稔州縣各出庫物平糴儲以

備荒。陂塘閘埧皆令修復。具實奏聞。郡縣官滿以此舉

廢為殿最風憲官。巡歷各務稽查。如有欺弊怠廢者。具

奏罪之。庶幾官有實績。荒歲人民不至狼狽。耕農無旱

潦之虞。仁政所施無切于此。上曰。此祖宗良法美

意也。宜亟行之。○倭日本寇浙東大髡入桃渚。官庾民

舍焚劫一空。驅掠少壯。發掘塚墓。束小兒于竿柱。沃之

沸湯。視其啼哭拍手笑樂。捕得孕婦。忖度男女。刳視中

否。為勝負飲酒。荒淫穢惡不可言盡。積骸如陵。流血成

倭夷慘禍
想之寒心
今人每言
兵亂津津
有喜色者
殆未思及

此二事從
三揚請也
可見張太
后能行其
言

所當時時
川城野蕭條
過者隕涕
於是
朝廷下詔嚴備
命重師

此

所當時時
申飭者也

川城野蕭條。過者隕涕。於是朝廷下詔嚴備。命重師

守要地。增城堡。謹斥埃。修戰艦。合兵番。屯駐海上。僉事

陶成討平之

先是入貢人船刀劍不奉束約。宣宗諭使臣。後貢
 毋過三舟。使人毋過三百。刀劍毋過三十。續來貢如
 約束。受之。及源道義卒。命太監雷春弔祭。王遣使貢
 謝。自後方物戎器。滿載而來。遇言兵。矯云入貢。貢即
 不如期。守臣幸無事。輒請俯順夷情。主客者為畫可。
 條奏許貢。後不為例。嗣後再至。亦復如是。窺我無備。
 即肆殺掠。滿載而歸。宣德末年。海防益備。賊不得間。
 貢稍如約。許其在京宴賞市易。飽恣其欲。已而備禦
 漸疎。遂釀斯禍。至嘉靖王子。而大入寇矣。

浙

沐晟沐昂奉命討思任。發師次潞江。思任發遣其將緬
 檢。斷江守。師不得渡。初思任發。未叛時。刁賓玉嘗遣詣

晟晟兒子畜之至是晟遣使諭之降思任發佯許諾故
晟無渡江意緬檢數挑戰都督方政怒欲渡江攻之晟
不許攻不勝憤夜獨率其麾下渡擊緬檢走之破賊柵
斬首三千餘級乘勝深入逼思任上江上江賊重地少
選伏兵四起政求救晟怒其違節制渡江不遣久之以
少兵往政知晟不力援已乃遣其子英還曰汝急歸吾
死分也遂策馬突陣死一軍皆沒晟聞敗適春暮慮瘴
發遂焚江上積聚倉卒奔還永昌雲南藩臬以事聞
上遣使者責狀晟知不免遣人語使者曰吾主將失律
喪師罪應死遂飲藥至楚雄發病卒○十月廢遼王貴

國家大事
往往爲一
人之私意
而敗良可
恤

論爲庶人先見府臣爲庶其恰乞加祿

上言簡王得罪

喪師罪應成遂飲藥至楚雄發病卒○十月廢遼王貴

烱為庶人先是府臣為貴烱乞加祿 上言簡王得罪

朝廷太祖時已加原貸削其儀衛止與校衛三百人仁

宗命倍加祿得支二千石宣宗又與旗軍三百朝廷親

親已至王於庶母最寡恩府臣不聞匡正直為其請加

祿不允至是坐絕滅天理瀆亂人倫廢為庶人○造渾

天璿璣玉衡簡儀○福建僉事廖謨杖死驛丞楊溥欲

坐以償命楊士奇欲擬以因公致死互爭不決請裁于

太后王振因而進言謂溥與驛丞同鄉士奇與僉事同

鄉未免皆有私意償命過重因公過輕宜對品降僉事

為府同知太后躡之自是振漸撫內閣之過而權歸掌

自古小人
行事僞以

一二中肯
遂便得漸

入

隆守南京
十八年鎮

之以靜復
識大體茲

以得人心
見疑召回

皇明法金卷十九

握矣。○召守備南京襄城伯李隆還提督京營

庚申正統五年正月甲辰朔日有食之。○叅贊機務少

保南京戶部尚書王福卒贈太保謚忠宣

福秉心正大義利介然天下皆知其為君子斥奸闢
諛無所顧忌憂國忘家老而彌篤

立存積常勝鹽法



高汝拭曰國初鹽法主于紓邊非必盡籠天下利也
其始商人輸米不多獲利甚大故商賈得厚利九邊
恃緩急祖宗大計也自餘鹽議行而鹽法壞矣頃
者餘鹽之外名目復有四五而鹽法益壞矣蓋行鹽
之地猶故也食鹽之人猶故也而鹽出者日益多鹽
安得不賤賤則不售不售則商人失利故雖有邊急
商人不能中納此蓋法意失而緩急不可恃矣蘓氏
謂事有千百之患以目前小有利而為之者此也往
者論鹽法之弊率謂豪勢者占中賣窩今遇召納應
命者常不及數求賣窩者亦不可得邊事尚何賴

陳敬宗為南京國子監祭酒

○以陳敬宗為南京國子監祭酒

陳敬宗，慈谿人，容儀端整，步履有則。居太學，以師道自任，嚴立教條，痛革舊習。日勵諸生進學成德。瞽宗之政，肅于朝廷，以是得名。亦以是得怨。故二十餘年不調。與北京李時勉同一約束。稱南陳北李云。

七月少師大學士楊榮卒于杭州，贈太師，謚文敏。

少師果而有容謀而善斷也
空園實錄也

宣德 正統間，名臣稱三楊先生。以文貞為西楊，文敏為東楊，蓋因居第以別之。東楊天資明敏，有果斷之才。文廟英武羣臣奏對，少能稱旨。惟榮凡事密試，必參決焉。文廟不樂，甚至發怒。東楊一至，輒霽威，事亦隨決。每秋勅文武大臣審錄重囚，自英國公而下，俱遜避。俟二楊先生決之，西楊訊之不決，至不可了。東楊片言折之，眾皆歎服。有濟人及物之仁。而不忍却人之餽。人以是短之。其輔理之功在。仁宗

時固亦有光。而宣廟英武，乾綱獨斷，百司守令，久任不更。官民相安，天下號為太平。三楊之名，所由以著。至安南叛，違斬龍易位，勅使劾午，頻泛西洋，曾無一語。權歸常侍，遠征麓川，兵連禍結，極于土木之大

變誰實厥之春秋責備賢者其能道哉。

命侍讀學士苗衷馬愉侍講曹鼐並入內閣叅贊機務。先是王振謂楊士奇曰朝廷事虧三位老先生然三先生亦高齡倦勤矣其後當何如士奇曰老臣當盡瘁報國歿而後已。榮曰先生休如此說吾輩衰殘無以効力當薦幾箇後生報聖恩耳。振喜令具名來翌日即同薦曹鼐苗衷陳循高穀等遂次第擢用他日士奇尤榮。榮曰彼厭吾輩矣吾輩縱自立彼豈自己乎一旦內中出片紙指命某人閣則吾輩束手而已。今數士竟是吾輩人當一心協力也。士奇服其說。

宗以幼冲即位二楊憲聖體易倦因創權制每日早

自太祖相傳，列聖臨朝，每至日昃，不遑暇食。英宗以幼冲卽位，三楊慮聖體易倦，因創權制，每日早朝，止許言事八件，前一日先以副詣閣下，豫以各事處分陳上，遇奏止，依所陳傳旨，自後無人敢復。祖宗之舊，遂爲定制。

刊布憲綱于中外諸司，憲綱一書，肇于洪武，厥後官

制不同，所宜因而改畫。中外憲臣，往往任情增益，宣

宗屢以爲言，遂勅禮部同翰林儒臣考洪武舊文而

申明之，并洪武永樂以來所考風憲事體著在簡

冊者悉入其中，且益以訓戒之言，凡出臣下所自增者

皆削去之。書成，宣宗上賓未及頒行，至是命刊印，以

頒布中外，令諸司遵守。○改廣西思恩州爲思恩府，擢

此託與昭
代典則各

書所記者不無參差然皆大同小異也

思恩州土官知州岑瑛為知府以獲異僧也先是建文帝既削髮披緇執楊應能度牒出走雲遊四方自湘湖入蜀朝廷疑之命給事中胡濙等以訪張邈邈為名偏物色焉不可得遂自蜀入雲南復遊閩最後入廣西至橫州南門仙壽寺居住居十五年人不之知其徒歸者甚眾恐事泄復遁往南寧陳步江一寺中歸者亦然去之思恩知州岑瑛出行忽一僧當道立從者呵之自稱為建文帝自滇歷閩遊方至此今老矣欲送骸骨歸帝鄉瑛大駭聞于巡按御史奏之迎至藩堂南面跣足坐地自稱朱允炆曰胡濙名訪張邈邈為我也眾聞之

殊然聞于朝乘傳至京師有司皆以王禮見比至

竦然聞于朝。乘傳至京師。有司皆以王禮見。比至上。遣內豎往視。咸不識。帝曰。固也。此曹安得及事我邪。吳誠在無。命誠往見。誠亦持疑。帝曰。不相見者。殆四十年。亦應難辨矣。吾語汝一事。昔某年某月某日。吾御便殿。汝侍膳。吾筯挾一臠。賜汝。汝兩手皆有托持。不可接。吾擲之地。汝伏地。以口舐取食之。汝寧忘之邪。誠聞言。大慟。已而復命。遂迎入西內。名曰老佛。莫究所終。○遣使齎勅。旌吉安府義民周怡等。復其家。怡等詣闕謝。各置勅書樓。以彰恩寵。

以一黃紙
而易粟二

廬陵周怡、周仁俊、吉水蓋文志、李維霖、永豐楊子昂、羅修齡、蕭煥珪、永新賀祈年、賀孟璉、安福張濟、泰和

千石所操約而濟廣矣

矣

征麓川以太監督軍

務始此

務始此

楊孟辨各出粟二千石以備賑濟

辛酉正統六年春命定西伯蔣貴為征夷將軍總兵征

麓川以太監吉祥監督軍務兵部尚書王驥提督軍務

便宜賞罰時王振專政欲示威遠夷遂大發兵命貴等

征之驥奏舉廷臣隨軍贊畫太僕少卿李蕡郎中侯璉

楊寧主事蔣琳等皆在行陛辭賜貴等金兜鍪細鎧弓

矢蟒龍緋衣○侍讀劉球上言帝王馭夷狄不窮兵于

小敵以傷生靈惟防患于大寇以安中國今北虜脫歡

也先父子併吞諸部深謀入寇而思任發依阻山谷悔

過乞降議者謂釋豺狼攻犬豕舍門庭之近圖邊徼之

并力于西

遠非計之得也臣愚以為麓川僻陋滅之不為武釋之

不為法至于西此者邊疆之難惟降與殺之

三殿自承
樂以迄仁
宣垂二紀
方成可見
恭儉仁民
之至

遠非計之得也。臣愚以為麓川僻陋，滅之不為武釋之。不為怯。至于西北諸邊，宜謹烽埃，修墩堡，選將帥，練士卒，豐糧餉，備器械，庶為有備無患。王振不從。○贈國初歿節翰林侍制王禕為翰林學士，賜謚忠文。先是建文中嘗贈禕學士，謚文節。未樂初，凡建文所設施，悉皆革去，無復敢稱其贈謚者。至是義烏丞劉杰復請于朝，乞加卹典，乃有是命。○六月，右都御史陳智罷。○十月

修建奉天華蓋，謹身三殿，及乾清坤寧二宮成。十一月朔，上御奉天殿，朝羣臣，赦天下，賜百官落成宴。

王振之橫也。上亦以先生呼之。三殿既成，賜百官宴。故事，宦官雖貴寵，不得預。是日，上使內豎視王

先生何為。振方大怒，謂來豎曰：周公輔成王，賜天子禮樂，我獨不可一坐乎？豎復命。上戚然，乃命東華開中門，持設一宴于便殿，迎振以入。振至，問何故，曰：詔命公由中入飲宴，振曰：豈可乎？至門外，百官皆伏謁，振始悅。

詔京師各衙門除行在之稱，未樂初議遷都，設六部等衙門，各稱行在某部。十八年定都于北，除行在二字，其舊在南京者，加行在二字。洪熙初，仁宗欲回都南京，北京各衙門俱稱行在。至是宮殿完，仍定都北京，復除行在二字，遂為永制。

陳建曰：古今天下大都會有四，曰長安，曰洛陽，曰汴，曰燕。四者固昔建都之地，總不如洛陽，何也？建都一形勢險固，二運漕便利，三居中而應四方，長安雖形勝，而漕運艱難，汴梁居四方之中，而平夷無險四面

燕都按察

作識者恨焉。國初命諸文太子，歷都邑，亦以洛陽

燕都接壤
西北諸虜
寇在門庭
隄防稍解
卽有不虞
使人寢食
靡安易曰
其亾其亾
繫于苞桑
祖宗之貽
謀遠矣

受敵。洛陽三善。咸備。故宋范仲淹欲營都而憚興
作。識者恨焉。國初命懿文太子。歷都邑。亦以洛陽
為上。幽燕形勢。自昔稱雄。會通漕運。今日頗便。然北
太近胡。南太遠越。北距塞。不二百里。無藩籬之固。而
天子自為守。南距珠厓大詔。始萬里而遙。苟邊圉不
固。胡騎疾馳。自湖河川。古北口。一日可至城下。且近
日紫荊諸關。往往失守。黃河遷徙。衝決不常。而秋高
馬肥。胡兒輒起。槍黃裏之想。據臨清。啜喉之地。則形
勢與漕運併失之矣。可慮不尤甚乎。祖宗之時。只
知其甲兵之強。國勢之盛。都南都北。無所不可。而不
知強弱無常形。盛衰無定理。創業方興之世。與承平
倍嬉之勢。固倍蓰什百不侔也。今嘉靖。聖天子。勵
精圖治。而醜虜猶時肆憑陵。胡馬直抵近郊。京師九
門。為之晝閉。昌平陵寢。為之震驚。居庸紫荊。為虜坦
途。良鄉通州。為虜外府。數十年後。吾
不知其所終。杞人之憂。實深耿耿。

右副都御史吳訥乞致仕許之

訥。蘇州常熟人。未樂末。舉醫生。至南京。仁宗監
國。聞其賢。命教功臣子弟。送拜監察御史。歷陞僉都

副都御史訥履方居約不以窮遠易所守有小學集解諸書行世

麓川本是夷僻遠不

當中國一

郡縣而驥

統兵十五

萬轉餉半

天下安在

其不勝哉

然驥旋而

思任發復

反欲縛之

不得祇焚

寨而還殺

無辜騷擾

東南殆不

可言矣

至雲南賊攻大候州甚急驥遣兵敗之遂進至金齒分

兵為三道徑抵上江上江者賊砦所在也夾攻三日不

下會天大風驥命縱火焚柵因督軍乘勢力戰斬首五

萬餘級賊敗死保險為拒驥等益麾兵深入破連環七

砦于沙木籠山又破象陣于馬鞍山之陰賊死者十餘

萬思任發遁去乃還

吳楨曰從信錄云王驥乘勝移兵討韋郎羅韋郎羅

維摩賊僭稱廣新王驥遣偏師抵賊境賊懼走安南

傳檄至安南安南人

斬賊首來獻遂班師

為要事 月以李册勉為國子監祭酒勉在大學學示廉耻

指奔競猶
為要事

閏十一月以李時勉為國子監祭酒勉在太學崇廉耻
抑奔競別賢否示勸懲一新條教變士習諸生貧不能
婚病不能藥或不能葬者節縮餐錢力為贍養督諸生
誦讀典寢為常燈光達旦恩義浹洽不啻父子太師英
國公偕侯伯二十餘人詣監聽講講罷燕飲侯伯讓坐
惟英公與之抗禮

壬戌正統七年二月會試天下舉人命禮部右侍郎兼
學士王英侍讀學士苗衷為考試官取姚夔等一百五
十人○三月廷試賜劉儼呂原黃諫等進士及第出身
有差○論破麓川功進封蔣貴定西侯封王驥靖遠伯

兵部郎中侯璉禮部右侍郎楊寧刑部右侍郎餘陞賞
有差贈方政威遠伯謚忠毅

皆不可及

武臣不識
字何害

蔣貴起自行伍一卒之微其為將也能與士卒同甘
苦凡出征衣糧器械不役一人親帶而行與士卒無
異及臨戰陣必當先直衝敵皆披靡子弟及士卒如
蟻追隨以威向敵用是往往取勝其勝也未嘗不親
手擊殺數十人所恨者不識字耳以此
知于謀畧必得軍師而後成功

令南京造度洋船三百五十隻給官軍由海道運糧赴

薊州等倉按正統中猶行海運後來不知何時始廢山

東登州衛每年裝載遼東布花鈔錠原設海船一百隻

正統間猶存三十餘隻後來登州路不復行船亦盡廢

丘文莊公
欲復行海
運以俗漕
之不虞且
習水戰以
備倭寇甚
為遠慮

命右僉都御史王朝提督遼東軍務時遼東守將屢

失機朝廷以為憂乃命朝往督之令便宜行事朝至中

卷之九
為卷之九

失機朝廷以為憂乃命翱往督之令便宜行事翱至守
將以下庭叅翱詰責玩寇失機故將斬之再三哀請乃
已於是三軍股慄莫敢不用命踰月躬出巡邊自山海
關直抵開原高墻垣深溝塹五里為堡十里為屯烽燧
斥候珠連壁貫千里相望仍簡閱戍卒更老弱賑貧窮
配鰥寡俾成室家人人感激謂邊境不可以法律治凡
詞訟專用贖法無問輕重量情以布絹穀粟贖罪雖人
命亦令贖之曰償命無益死之家而財或足以濟其
用故行之不疑在遼數年措置糧數萬石銀萬餘兩馬
千餘匹邊用充足器械鮮利軍士飽煖人樂于戰守○

長亦一道
然在邊方
則可

君臣恩義
四字得大
體

共理宜引罪乞改過。璉老矣官至冢宰豈敢貪位顧君
臣恩義如此衆是其言疏上盡留諸大臣至是都察院

王文疏其貪墨故罷之璉秉銓十四年名不及蹇義然
採實行不用浮薄游譽之士能堅持強忍自行其志云
○擢禮部右侍郎王直爲吏部尚書○冬十月 太皇

太后張氏崩謚曰誠孝昭皇后 太后恭儉孝敬

佐 宣廟十年儲位十年 正統遵奉訓戒勤慎不懈

成祖每意欲易儲嘗謂徐太后曰媳婦兒好因止不易

及 宣廟崩 太后將宮中一切玩好之物不急之務

悉皆罷去裁禁中官不許差遣有詔凡事皆必白于太

太后女中
堯舜

后然後施行。委用三楊。政在臺閣。太監王振雖欲專而不敢也。每數日太后必遣中官入閣問連日曾有何事。來商確。即以帖開。某日中官某以幾事來議。如此施行。太后乃以所白驗之。或王振自斷不付閣下議者。必召振責之。正統數年天下休息。皆太后之力。人謂女中堯舜信矣。

麓川復叛
王振欲遣
其欲閣下
謂遠夷不
足較且為
耕守計振
不從

復命定西侯蔣貴充總兵官靖遠伯王驥兼兵部尚書提督軍務征麓川。緬甸先是思任發既敗走緬大軍還復出為寇。命貴驥再督諸軍往取之。至雲南檄緬令縛送思任發。緬人懷詐黨惡。匿思任發不遣。貴等促兵攻

不可得而緬破之思任發復遁去俘其妻子旋師加貴驥歲祿各

不思發終
不可得而
騷擾東南
殆不可言

緬破之思任發復遁去俘其妻子旋師加貴驥歲祿各

三百石

高汝拭曰緬夷在西南絕境上上無所不臣元世祖舉兵克之其旁金齒等夷十有二部皆降即今三宣之地也史載南接六詔六詔者夷語以王為詔其先渠帥有六自號六詔業舍詔在諸部之南故曰南詔後唐改為雲南巴而又改為大理至後唐改為長和其王猶以驃信為號唐史驃信在南詔西南六千八百里至王摩羅忠那以貞元間入貢蓋古朱波國也以今推之意緬甸八百等地即其遺矣

癸亥正統八年春擢監察御史馬昂為刑部右侍郎

昂滄州人儀表俊偉聲音洪亮貢入太學選授鴻臚序班以薦擢御史巡按有聲至是刑部禁因劫獄而逸尚書以下咸禁錮緝捕陞昂侍郎堂部

四月雷擊奉天殿鴟吻詔羣臣直言得失○張太后崩

太監王振擅作威福遂無忌憚作大第于皇城又作智化寺于居東以祝釐自撰碑記翰林侍講劉球應詔直言十事其一言 主上宜親政務權不可移于下振覽之謂其譏已也怒欲置之死會編修董璘自陳願為大常卿得罪下詔獄而球疏中偶言太常官必得儒臣等語振即令其黨錦衣衛指揮馬順苦拷令璘誣招球為畫此謀奉旨逮球陛前粹去球不知何坐第見縛至暗獄中斧鑕暴下支解其體球見刑不知所謂但曰死訴太祖 太宗自是人緘口不敢言過數日球竟附順子數順之罪順不安命緇流誦經度之

天理昭昭

處分數年政治清明太后上仙揚榮已設士音以

數順之罪順不安命繼流前經度之

張太后同聽政，三楊居輔弼，凡朝廷大事皆自三公處分，數年政治清明。太后上仙，楊榮已沒，士奇以子稷之故，堅臥不出，溥一人當事，年老勢孤，繼登庸者皆委靡，不能自振。於是內閣之柄悉為王振所攘，生殺予奪盡在其手，遂殺諫臣劉球，去大臣之不附已者，舉朝皆以翁父稱之。廷臣無大小皆行跪禮。○天順日錄記：王振初得權，喜人趨附，廷臣初不知，數以微譴見責，始懼，皆具禮進見。初，府部院寺大臣以後百執事及在外郡邑小吏無不具禮，有輒至千金者，被其容接，若登龍門。君子付之太息而已。○寓園雜記云：一夕振召兵科給事中蔣性中，中至一處，有門南向，甚宏麗，蔣自東橫詣門，遙見都御史陳鏊，王文跪門外，俛首向北。性中以為上在，步稍後，微聞二人連諾而起，急趨而前，蔣遇而問之曰：上在，飛趨出，是圖乃太宗朝所畫，久藏兵科，因圖籍厝壓其上，尋之數日，方得，送之，不知其何用也。或曰：李儼御史在光祿寺監收祭物，見振不跪，空事送錦衣衛獄，捶之幾死，取圖欲發極邊充軍耳。查圖最遠者遼東鐵嶺衛故戍之，其作威如此。

下大理少卿薛瑄獄除名爲民初王振問于楊士奇吾
鄉人誰可大用者士奇薦瑄時瑄爲山東提學僉事乃
召爲大理少卿瑄至京士奇謂瑄宜詣振謝瑄曰安有
受爵公朝拜恩私門邪後遇諸途瑄又違衆不下禮振
滋不悅會指揮某死妾有色振侄王山欲娶之妻持不
可妾因誣告妻毒殺其夫都察院問已誣服瑄辨其冤
駁還之王文怒譖之于振振喉言官劾瑄故出入人罪
請廷鞫振喜曰是固應死竟坐瑄死繫獄瑄怡然曰辨
冤獲咎成何愧焉○高○人○手持周易誦讀不廢至覆奏將決大
臣申救得免歸田○南京國子監祭酒陳敬宗九載考

貢師表

續至京王振素慕敬宗名欲致之門下適南直隸巡撫

周忱時亦在京謁振振以忱與敬宗同年微露其意忱

詣敬宗達之敬宗曰某忝為人師表而求謁中貴他日

無以見諸生忱乃謂振曰陳祭酒書法極高以求書為

名先之以禮幣彼將謁謝矣振然之乃遣綵段羊酒求

書程子四箴敬宗為走筆書之而返其禮幣竟不往見

故為祭酒十八年竟不遷轉於是士大夫益高其風節

云敬宗浙江慈谿人○追封元儒吳澄為臨川郡公從

祀孔子廟庭○冊皇后錢氏○瓦刺太師順寧王脫歡

成子也先嗣自脫歡殺阿魯台併吞諸部勢寢強盛也

此從楊士奇議也謝

鐸嘗謂澄出處不正

當黜其祀為禮部所

格嘉靖中
竟黜之

先益橫屢犯塞北

皇明治俱錄 卷十九

二十五

當時脫脫不花弱而也先強威也先又以其子妻脫脫不花數年間挾脫脫不花遣人並入貢馬得賜金帛無筭使人皆館京師遂桀驁不恭時時掠道路我往來通事人變詐出好語告以中國虛實也先因言吾有子欲請婚南朝公主通事謾應之曰吾為爾奏皇帝已許爾矣也先大喜遂誇耀諸酋欲具進聘

禮云



鑑忠厚端
謹用法寬

平臨事簡
易夔陝十

餘年人呼
為鬚子翁

翁

召巡撫陝西右都御史陳鑑還轉左都御史掌院事以右都御史王文代巡撫陝西○十一月宣德廢后靜慈仙師胡氏薨○楊士奇子楊稷有罪逮繫法司

天順日錄記士奇晚年溺愛其子莫知其惡已而有藩臬出巡者以實來告士奇反聽子之語而疑之有聞附諛子之善者喜之時法司奏其人命數十朝廷不得已付之司寇而士奇老病不能起朝廷猶

天學成
正臨雍
甲子正統九年春新進士
人預為祭文數其惡天下傳誦焉

太學成
上臨雍

易
道之以所

慰安焉。司寇既論其罪，抵法斬之。鄉人預為祭文，數其惡，天下傳誦焉。

甲子正統九年春，新建太學成。上臨幸，祇謁先聖行

釋奠禮。先是太學猶因元陋，吏部主事李賢上言：國家

建都北京以來，所廢弛者莫甚于太學。所創新者莫多

于佛寺。舉措如是，可謂舛矣。若重修太學，雖極壯麗，不

過一佛寺之費。請及時修舉，以致養賢及民之效。從之。

○三月，少師大學士楊士奇卒。年八十，贈太師，謚文貞。

所著有沙羨稿、右臺稿、文籍志、東里集諸書。

吳郡楊氏，循吉日。楊文貞薦達士類多，踐清華如吳蘇一郡。蓋有三人尚書楊翥，都憲吳訥，檢討陳繼，嗣嗣教書儒生文貞，初不相識。惟周文襄處見其詩，遂薦之。○何氏孟春曰：楊文貞在閣時，其婿來京，久之

以一飯得數千金飯之功耶送餽者之功耶

薛瑄陳敬宗李時勉三先生皆瀟流砥柱

當歸念無裝資會。有知府某犯贓于萬。廣緣是塔。賂至數千。免其求。救于文貞。不得已。于問理日。遣使持食。至院云。楊少師與某知府。送飯該道官。遂親釋其刑具。候飯畢。視事一切。聽令。遂得還職。我朝不立宰相。然內閣之權已如此。

命翰林學士陳循入內閣。參預機務。○五月。柳國子祭

酒李時勉于監前。既而釋之。先是議改建太學。上命

王振往視。時勉不為禮。振領之。令人廉其事。無所得。彙

倫堂前有大樹。時勉嫌其一面陰翳。妨諸生班列。稍令

伐去。旁枝振遂聲聞。以為擅伐官樹。入私家用。傳旨柳

于監前。諸生皆伏闕請不從。

按聖旨。以百斤柳。柳時勉肆諸成均間。時為三械。與司業趙晚。掌饌金鑑同柳。時勉之柳。特重。竅極。監不

之。至是。繼力。自。如。繼家。富。素。結。諸。權。貴。與。某。伯。李。者。

可飲食自謂必斃而助教李繼爲人浮薄時勉每厭之至是繼力自効繼家富素結諸權貴與其伯李者爲兄弟因李識令昌伯孫孫乃太后舅也李爲求援于孫孫適生辰家啟宴太后令內豎持禮慶賀孫因附奏臣今歲生辰殊不樂每比年每得公卿爲賀國子李先生不過一幅絹帛然辱此君子臨幸爲榮今諸公皆集獨李先生爲朝廷旡楊之禁臣席無此爲重故不樂爾奏上太后卽邀上言之曰祭酒尊貴之臣奈何施以囊頭是甚綱紀上言不知太后曰不知作甚皇帝上遣問之乃知振所爲也卽飛詔放時勉令往賀孫舅云乃得釋是時又有監生石大用者上章乞以身代號哭奔走闕下請赦時勉者數千人涕泣者塞途商賈罷市又明年上北狩勉北面頓首號慟上疏言遣將練兵迎回車駕數事不從遂致仕去

秋兀良哈三衛夷人寇邊發兵二十萬討之分爲四軍成國公朱勇出喜峰口由東路左都督馬諒出界嶺口

由北路興安伯徐亨出劉家口由南路都督陳懷出古
 北口由西北路踰灤河渡柳河經大小興州過神樹至
 全寧遇福餘逆戰走之次虎頭山遇泰寧朶顏又擊敗
 之御史姚鵬上其功詔加通太保亨進封侯諒封招遠
 伯懷平鄉伯餘爵進有差○太子賓客致仕國子監祭
 酒胡儼卒○十一月壬子日有食之

乙丑正統十年正月會舉司府州縣官丁鎡等廉能著
 稱治行超卓賜以勅諭衣鈔賜宴禮部○二月會試天
 下舉人命翰林學士錢習禮侍講學士馬愉為考試官
 取商輅等一百五十人○三月廷試賜商輅周洪謨劉

俊等進士及第出身有差○五倫書成○進內閣學士

取商輅等一百五十八人。三月廷試賜商輅周洪謨劉

俊等進士及第出身有差。○五倫書成。○進內閣學士

曹鼐吏部左侍郎。陳循戶部左侍郎。馬愉禮部左侍郎。

苗衷兵部左侍郎。並兼前職。又擢侍講學士高穀為工

部右侍郎。仍兼前職。入內閣與鼐等同辦事。愉尋卒。○

始命內閣官與各衙門會議大政。宣德以前每有大事

與羣臣面議。傳旨施行。不待批答。上嗣位幼冲。面議

遂廢。至是始命廷臣赴內閣會議。具本奏決。○命禮部

侍郎兼侍讀學士王英代祀南鎮。時浙江台寧等府久

旱。民遭疫。死甚眾。乃遣英齋香幣往祀南鎮。以禳民厲。

英至紹興。大雨水深二尺。灌獻之夕。雨止。見星。明日又

名為會議
夫王振操
其權此亦
故事而已

侍郎雨

大雨。田野霑足，人皆喜曰：此侍郎雨也。布政使孫原貞等陪祀，乃為御製感應記，刻石于廟。

丙寅正統十一年二月，少保大學士楊溥卒，年七十五。

謚文定

楊文定在內閣時，其子來自石首，備言所過州縣官，迎送餽遺之勤，惟江陵知縣范理頗不為禮。溥聞而異之，後廉知其能，即薦知安德府。再擢貴州布政使，或勸理宜致書謝理，曰：宰相為朝廷用人，非私于理。聞溥卒，乃祭而哭之，以謝知己。理天台人，後仕至吏部侍郎。

范楊可謂兩賢

正月始命各省遣內官提督鎮守，洪武中內官僅能識字，不知義理。永樂中始令吏部選教官入內閣教書，正

統初王振於內府開設書堂，選翰林檢討正字等官入

教內官始多聰慧，知文義者自王振竊弄威福于預外

統初王振於內府開讀書堂選翰林檢討正字等官入

教內官始多聰慧知文義者自王振竊弄威福干預外

政於是各省鎮守并提營掌兵及經理內外倉場與提

督營造珠池銀礦市船織造等事無處無之未樂年間

差內官到五府六部稟事內官俱離府部官一丈作揖

路遇公侯駙馬伯下馬旁立自後呼喚府部如呼所屬

公侯駙馬伯路遇內官反迴避矣昭代典則○錦衣衛卒王

求為匿名文書數太監王振罪惡揭于通衢及振侄王

山家緝事者得之刑部論以妖言斬○降河南山西兵

部侍郎于謙為大理少卿仍舊巡撫謙巡撫二省十餘

年上章舉叅政孫原貞王來以自代忤王振意嗾言官

王求衛卒
也能暴振
惡固可嘉
惜乎其為
匿名也

劾其擅舉自代之罪降職罷巡撫二省之民咸赴闕懇留乃復命巡撫

于謙每入京議事未嘗持上物賄當路汴人嘗誦其詩曰手帕磨菰與線香本資民用反為殃清風兩袖朝天去免得閭閻話短長以此不能媚權貴凡在鎮十八年

三月 上閱武于近郊○命襄城伯李隆率師巡邊

丁卯正統十二年春詔選翰林院官十人入東閣習制

誥選講讀以下儀表俊偉有才望者侍讀江淵裴綸侍

講杜寧謝璉王玉修撰劉儼商輅編修陳文呂原李紹

劉俊等令入東閣習制誥讀中秘書仍命侍經筵日在

內府進學蓋儲之以備他日內閣之選○祭酒李時勉

時留心邊
患惟劉球
與亨信耳
識于未然
可謂明理

內府進學蓋儲之以備他日內閣之選○祭酒李時勉
致仕蕭鉉代之○巡撫大同宣府總督屯種都御史羅
亨信上言虜酋也先專候釁端圖爲入寇宜預于直北
要害增置城衛及修各衛土城備之不然恐貽大患議
者寢不行時叅將石亨欲以大同四州七縣之民三丁
取一爲兵又有勅令軍餘盡撥屯種量畝起科亨信奏
言北虜方驕邊民疲甚加以邊地鹹薄若如所言是絕
其衣食而逼其逃竄也且當今事勢正宜布恩信以結
人心苟絕其衣食未有得其心者詔從之○以都督僉
事石亨爲左叅將守萬全

亨伯父巖寬河衛指揮巖死亨嗣之善騎射有膽力
提大刀輪舞如飛每從征挺刃當先輒立奇功累陞

都指揮倭處亦驍勇善
挽強揮斧從亨參謀

復于謙兵部右侍郎留理部事先是謙丁父憂詔起復
之累疏乞終制不允遣行人汪琰論祭塋墓事畢還朝
陛見遂復前職留京既而復聞母喪朝廷以邊事方殷
仍命起復○進提督遼東軍務王翔右都御史以征勦
達賊斬獲有功也○下霸州知州張需獄戍邊需才長
治民先佐鄭有聲泊守霸見民游食者多每里置簿列
戶各報男女大小口數派其穀種粟麥桑棗紡績雞豚
之數遍示暇則取簿驗之缺者罰於是民無游惰不一
年俱有恒產生理日滋後朝京受旌異畿內蝗作捕之

患無良吏

耳有良吏

又以之

有法吏部侍郎魏驥異之效其法謂郡皆便收馬者極

趙遭言口
而戍之可
惜

有法吏部侍郎魏驥異之效其法諸郡皆便收馬者擾
民需管之領牧者譖于振捕下獄極楚幾死竟謫戍邊
人咸惜而莫能救也○逮南京副都御史周銓及十三
道御史范霖楊永等下獄先是銓督南京糧儲諸御史
嘗劾其貪暴銓憾之及掌院置功過簿督責諸御史詰
旦而入日晏不輟霖永等不能堪乃合疏銓平日不法
事上之詔徵銓詣獄銓亦訴奏諸御史俱逮至未白而
銓得心悸疾死於是諸御史或降或謫霖永以首建議
獨得重罪永忿死獄中會恤刑霖得永減出獄數日亦

卒

戊辰正統十三年二月朔日有食之。○春會試天下舉人。命內閣學士高穀翰林侍讀杜寧爲考試官。取岳正等一百五十人。廷試賜彭時陳鑑岳正等進士及第。出身有差。○命內閣選進士爲庶吉士。止選北方及蜀士。被選者萬安劉翊劉吉李秦等二十人。○七月福建沙縣民鄧茂七反。僭稱閩王。遣都督劉聚等討之。先是巡閩御史柳華檄各郡縣令鄉村各置隘門望樓。編鄉民爲什伍。設總小甲統帥之。以防禦寇盜。不從令者聽總小甲究治。由是總小甲各得自恣。號召鄉民無敢違者。茂七與弟茂八皆編爲總甲。嘗個人田例于輸租外餽

茂七與弟茂八皆編爲總甲。嘗個人田例于輸租外，僦田主以新米雞鴨。茂七始倡其民革之，又以輸租于遠者，令田主自運而歸，不許輒送其家。田主訴于縣，縣逮茂七不至。乃下巡檢追攝之，因而殺弓兵數人。縣聞于上司，調官軍三百人與之格鬪，殺傷殆盡。遂刑白馬，歃血誓衆舉兵反。他縣游民皆舉金鼓器械應之。烏合至十餘萬人，僭稱王號，署官職。八閩騷動，詔遣都督劉聚爲總兵，都督陳韶、劉德新爲左右叅將，僉都御史張楷監軍事討之。

鄧茂七，建昌人，初名鄧雲，豪傑爲衆所推。因殺人，官捕之，逃入福建寧化縣，改名茂七。聚衆集會，順指殺人，縣官捕之，遂拒捕，率黨劫上杭，攻汀州。據杉關，攻光澤縣，大掠，順流而下，攻邵武縣，掠其庫藏，數日至

順昌縣時福建叅政宋彩交趾人與中官多故舊侵
漁以萬計餽送王振遂陞福建左布政抵任計營所
費驗戶歛之貧之不堪者苦爲所迫於是龍溪爐土
蔣福成號集居民劫取聚落旬日至數萬人遂襲龍
溪據縣治與茂七聲援相聞進劫沙縣將攻延平巡
按福建御史汪澄至延平聞賊勢已熾即回會省刷
卷御史張海在延平被圍海躬諭之賊退海以狀聞
朝命御史丁宣按賊事宣發牌招茂七茂七笑曰吾
從龍溪取延平據建寧塞二關之入傳檄以下八閩
誰敢窺焉遂殺齋牌使者據上臺立搃甲里長殺都
司其勢益盛

秋處州賊葉宗留反征閩官軍遇之與戰不利都督陳
韶敗死遣工部尚書石璞都督徐恭督諸軍討之○河
決滎陽東過開封城之西南經陳留自亳入渦口又經
蒙城至懷遠界入于淮

酸棗今開封府延津縣瓠子今大名府開州館陶今東昌府屯氏河即今衛河東郡亦東昌府博州今聊城縣平原今德州清河今廣平縣及棗強縣信都今冀州深州梁山澤在東平州曹林今開州渤海今景

按河決之患三代已然漢文帝時河決酸棗武帝而後則決于瓠子決于館陶分為屯氏河東北入海至元城時河始決東郡分流于博州後決平原決渤海決清河決信都皆東北並青冀之境以達于海自東漢歷魏晉隋唐及宋並鮮河患迨宋仁宗至和間河始決大名神宗熙寧始決于澶州曹林北流斷絕河道南徙東匯于梁山澤分為二派一入南清河引入于淮一合北清河入于海黃河入淮自茲濫觴矣舊黃河在開封城北四十里至我朝洪武二十年河決原武東經開封城北五里又南行至項城經潁州潁上縣東至壽州正陽鎮全入于淮而故道遂淤至是又決滎陽過封城之西南而城北之新河又於自是汴城在河之北矣隋唐以前河自淮淮自淮各自入海宋中葉以後河合于淮以趨海此古今河道遷徙之不同然前代河決不過壞民田廬我朝則慮妨漕矣故視前代為尤急

冬靖遠伯王驥督兵破雲南叛夷思機發等于孟養寨時麓川思任發子思機發思卜發二孽復據孟養跳梁

州滄州定
州皆是


爲患。朝廷復命驥總督軍務，以都督官署總兵張軌、
田禮爲副，調率征夷兵十三萬以行。十月，我軍抵金沙
江，賊柵西岸以拒驥，作浮梁渡兵以破之。乘勝進至孟
養，賊斂衆據鬼哭山及芒崖山等寨，皆攻拔之，斬獲無
筭。而貴州都指揮洛宣、九谿衛指揮翟亨等亦戰歿于
陣。二孽竟失所在，疑歿于亂兵。大軍踰孟養至孟那等
處而還。孟養在金沙江西去麓川千餘里，諸夷酋皆震
怖，相謂曰：自古漢人無渡金沙江者，今大軍至此，真天
威也。驥還，詔增祿，賜鐵券，令世襲。○守備處州監察御
史朱英誅賊黨周明松等，先是葉宗留與其黨陳諫、胡

陶得二糾衆作亂。屢敗官軍。殺都指揮。脫網。遣明松等四出剽劫。時承平日久。民不識兵革。及是寇起。勢熾。東南震駭。朝廷慮葉與閩寇合。命英與中官分守要地。英榜諭脅從。示以禍福。降者甚衆。以計生致明松等數人。械于慶元。牒報賊首黑面大王。領衆三萬來劫明松等。中官大懼。欲走。英不可。卽誅明松等尸于市。賊聞之。逡巡遁去。○十一月。鄧茂七遣別將陳敬德、吳都、總由德化來春。安溪寇泉郡。知府熊尚初逆戰于五陵坡。兵敗被執。不屈。歿。副總兵陳榮進兵與鄧七戰。敗。歿之。

皇明法傳金
卷十九




浙江圖書館



浙江圖書館




浙江圖書館



浙江圖書館




浙江圖書館





浙江圖書館



Centimetres **TIFFEN** Color Control Patches © The Tiffen Company, 2007
Blue Cyan Green Yellow Red Magenta White 3/Color Black